

ոչ գոյ քաղաքացւոց ընչից իւրեանց, զորմէ տրտունջ է ի բերանս ամենեցուն, այլ և ոչ գրեանց մերոց վաճառելեաց: Լուաք և զմահ հօր մերոյ մինասայ արքեպիսկոպոսին, և զՖալիտ լինիլն պարոն նահապետին...: (Հ. Զարարիս առ Մեղզոնեան, 1758 փետր. 19. [Կ. Պոլիս]):

ձձթ.

Պատկերահան պարոն յովհաննէսն ի Հոսմ առ Ատուած փոխեցաւ ի փետրվարի¹: (Մեղզոնեան առ Հ. Զարարիս, 1758 ապրիլի 4. [Ս. Ղազար]):

ձձ.

Այժմ մեր հայր Մկրտիչ վարդապետն² առողջ է յոտիցն, և տարան զնա յաւուրս յայտոսիկ ի Նառլըղաբուն սամաթիոյ, ուր եկաց իբրև շաբաթս երիս, և զնաց ընդ իս յուխտ ի գերեզման երանելի տեառն Կոմիտասայ: Սառաֆօղլու սարգիս վարդապետն, զոր դեռ ոչ եմ տեսեալ, յայսմ ամի կարգեցաւ քարոզիչ յեկեղեցւոջ սուրբ լուսաւորչին, և հռչակեցաւ ի քաղաքիս քաջ բանասաց, մինչև ընթացան ի լսել զքարոզ նորա խուռն բազմութիւնք, ընդ որս և յուրվք յուղղափառաց և ոմանք ի Ֆուանգաց գնացին և հաճեցան: Թէպէտ և յոմանց լուայ ասել, թէ ոչինչ օգուտ է քարոզ նորա, այլ մանաւանդ Ֆլասակար, զի բազումք պատրեալ ընդ պաճուճագարդ բանս նորա իբրև ուղղափառի թուլանան և հովանան աստի ի մերոց և վաղվաղակի կործանին. և այսպէս ասա ի բազմաց բամբասի նա, թէ զի՞ է, զի դարձեալ յերկրէ քրիստոնէից եկն եմուտ ի մէջ հայոց. եթէ էր նա քաջ ուղղափառ, զայս ոչ առնէր, ասեն: (Հ. Իգև. առ Մեղզոնեան, 1758 Ապրիլ 18. ի Կ. Պոլիս):

ձձս.

Ի Կոստանդնուպոլիս է ծայրագոյն փէսատ և կասկած փոխելոյ զմեծն: Թանկութիւն եղև ամենայն իրաց. և անթիւ անձինք կամին փախչիլ ի Ֆոէնկիստան...: Հրամայեցաւ արուեստաւորաց շինել զպալատն արքունի որ ի յետրենէ. և յղէ զբազում նաև պարութս ի խառայ տէնիզ. կասկած այնպէս է, իբր թէ տաճիկն կամի բանալ զպատերազմ...: Պատրիարզն շինեաց զգիրք մի տաճկերէն, և եղև մեծամեծաց հայոց անախորժելի. և արարին սինոդոս այրել զամենայն. բայց պատրիարքն ընդդէմ կայ: (Հ. Մկրտիչ առ Մեղզոնեան, 1758 յուլիս 19. [Կ. Պոլիս]):

ձձր.

Աստի չուեաց քէֆէցի պարոն Պետրոսն Մահտեսի Ղազարեան՝ դէպ առ ձեզ, ... և ընդ նմա առաքեցի զչորս պատկերս, զորս ողորմած հոգի պարոն Յովաննէսն եթող յիշատակ ի կենդանութեան իւրում, և զկնի մահուան նորին ընկալայ ի ժառանգից իւրոց տալով զձեռագիրն իմ, թէ ընկալայ ի կողմանէ Գերլարգելի Աբբայ Հօրն: (Յովսէփ Քահանայ Գրիգորեան առ Մեղզոնեան, 1758 Օգոստ. 26. Հոսմ):

1. Կարևոր նկատեցինք յիշել սոյն թուականը՝ պատկերահանին ունեցած այնքան շահեկան թղթակցութեանց համար՝ զորս հանրութեան ալ ներկայացուցինք:

2. Անանեանց: